



Tóžšto akterow bě wobdzělenych na 5. kwasnych wikach zašću njedzelu w Kulowskim Ludowym domje (horjeka). Christina Bržanec-Žurowa předstaji elegantny šat k wosebitym składnosćam (naprawo). Za dessousy, kotrež někotre rjanolinki prezentowachu (nalěwo), njejsu so jenož mužojo zajimowali. Fota: SN/M. Bulank



Fröhlichecy znowa kwasne wiki wuhotowali

Hdže maš hewak tajku składnosć?

Kwasne wiki njejsu džensa dawno jenož něšto za młodych ludźi, kotřiž chcedža so zmandzelić. Tole sy minjenu njedzelu cyle wočiwidnje w Kulowje nazhonił. Wšitke generacije běchu na žurli Ludoweho domu zastupjene. Někotryžkuli zastupjer staršeje generacije da sej za bldom sedžo piwo abo škleńcu wina słodžec a najskerje wobkedzbowaše, kak sej trochu młódsi wšitko dokładnje wobhlada a w myslach snano hižo k wołtarjej abo na stawnistwo kroča. Běchu to mjez-

tym hižo 5. kwasne wiki, kotrež je Fröhlichec Dom darow hromadze ze swojimi partnerami wuhotował.

„Naš zaměr prosće je, zo wobydlerjo swoje pjenjezy k tajkim składnosćam tule w našim regionje wudadža. Za to chcemy jim wězo tež něšto atraktiwne poskićić“, zjima Matthias Fröhlich wot pohlad tohole popođnja. A ludžo tutón poskitk radlubje přiwzachu. Hdže da maja tež hewak składnosć, w přijomnej atmosferje rjanolinki w kwasnych šatach a młodych

muži w elegantnych woblekach wobdzíwać? Dokelž je so Fröhlichec koncept zašle léta jako prawy wopokazał, chcedža jón nětko tež w susodnych Wojerecach kopěrować.

Konditorka Angelika Kupcyna znajmjeńša njewobžaruje, zo je so w Kulowje znowa wobdzěliła. Jeje kwasne torty su mjeztym často požadane. „W létnich měsacach, hdyž je takrjec kwasna sezona, přihotuju kóždy sobotu znajmjeńša jedyn tykanc“, wona powědaše. K wose-

bitym datumam kaž 7.7.07 bě jich hižo wjace hač džesać.

Wjeršk kwasnych wikow pak bě tež minjenu njedzelu modowa přehladka, kotruž wuhotowa Budyski Schafflikec modowy dom. Při tym njepokazachu jenož kwasne šaty a wobleki za zeleny kwas, ale tež elegantnu wječornu garderobu a móžny outfit za slěborny kwas, kotryž předstajistaj Matthias Fröhlich a jeho mandzelska Weronika, byrnjež wonaj swój 25. kwasny dzeń hižo za sobu měloj. Tutón džěl modoweje přehladki bě zawěsće tež za tych zajimawy, kotřiž mysle na ženíwu hižo nimaja, ale chcychu prosće raz přijomne popođnjo wosrjedz młodych ludźi přežiwić.

Marian Wjenka

Nawěšk

WULĚT PO KATALONSKEJ JE STAJNJE WJACE HAČ JENOŽ WULĚT

Wot rozpukaneje Costa Bravy hač k rozsahlej Costa Dauradze: Přijomne miłe temperatury srjedzomórskeho pobjoha wužiwać je stajnje cyle wosebite wjeselo. Po chowanju slónca móžeće na katalanskich pobjohach něšto cyle hinaše dožiwić: spěw habaneras-skupin w swětłe měsacaka, dzeržo škleńcu flambérowaného ruma w ruce. Kónčina, kotraž inspirowaše ženije kaž Dalija, Picassa, Gaudija a Mira, zawěsće tež was překwapi, wšojedne što pytaće. W Katalonskej namakaće stajnje wjace, hač sće wočakowali.

CATALUNYA Prosće *genialna*



www.catalunyatourism.com

Generalitat de Catalunya